

Bìoball airson na Cloinne  
A' cur fan comhair

# Mìorbhailean Ìosa



Sgriobhte le: Edward Hughes

Dealbhan le: Byron Unger; Lazarus  
Alastair Paterson

Eadar-theangaichte le: E. Frischbutter; Sarah S.

Air eadar-theangachadh le:  
Eleanor Wood agus Joan NicDhòmhnaill

Dèanta le: Bible for Children  
[www.M1914.org](http://www.M1914.org)

©2020 Bible for Children, Inc.


Cead: Tha cead agaibh an sgeulachd seo a chlò-bhualadh,  
agus leth-bhreacan a dhèanamh, fhad nach eil sibh gan reic.



Rinn Ìosa iomadh mìorbhail. Bha mìorbhailean a' sealltainn gur e Mac Dhè a bh' ann an Ìosa. Thachair a' chiad mhìorbhail aig banais. Bha duilgheadas aca. Cha robh fion gu leòr ann airson a h-uile duine.



Dh'innis Moire, màthair Iosa, Dha mun duilgheadas,  
agus an uair sin thuirt i ris na searbhantan dèanamh  
rud sam bith a bha Iosa ag iarraidh.



"Líon na poitean sin le uisce," thuirt Íosa. "Uisce?" ars iadsan. Seadh, 's e uisce a dh'iarr Íosa.



An uair sin, thuirt Íosa  
ri searbhanta deoch  
a dhòirteadh bho aon  
phoit mhòr agus leigeil  
leis an fhear a bha an  
ceann na bainnse  
fheuchainn. Bha  
an t-uisge air  
tionndadh gu  
fiòn! Fìon  
math! Am  
fìon as  
fheàrr!



Bha iongnadh air na searbhanan.  
Bha Iosa air uisge a thionndadh  
gu fìon. Cha b' urrainn  
ach Dia fhèin  
mìorbhailean  
a dhèanamh.



Rinn Iosa miorbhailean eile.  
Aon fheasgar, chaidh E fhèin  
agus A dheisciobail gu taigh  
Pheadair. Bha màthair-chèile  
Pheadair glè thinn le fiabhras.



Chuir Ìosa làmh air làmh a' bhoireannaich thinn.  
Ann am mionaid bha i gu math a-rithist. Dh'èirich  
i a fhrithealadh air Ìosa agus A dheisciobail.



Bha e mar gu robh  
am baile gu lèir air  
cruinneachadh aig  
an doras an oidhche  
sin. Thàinig daoine  
tinn - dall, bodhar,  
balbh, crioplaich.

Thàinig fiù daoine  
le deamhain annta  
a dh'fhaicinn  
Íosa. Am  
b' urrainn Dha  
cuideachadh  
na bha seo?



B' urrainn do Ìosa, mac Dhè, cuideachadh. Agus sin a rinn E. Chaidh a h-uile duine a thàinig Thuige a shlànachadh. Bha daoine a bha air dà bhata fad am beatha a' ruith agus a' leum a-nis.



Agus thàinig  
feadhainn eile  
a bha air am  
milleadh leis  
an luibhre.






Dh'fhàs iad slàn  
agus glan a-rithist  
nuair a shlànaich  
Íosa iad.




Thàinig fir agus boireannaich a bha air  
an sàrachadh le  
deamhain agus  
sheas iad air  
A bheulaibh.  
Thuirt E ris  
na deamhain  
falbh. Rinn na  
deamhain mar  
a thuirt E agus  
dh'fhàs daoine  
air an robh  
bròn agus  
eagal, ciùin  
agus toilichte.



Aig cùl an t-sluaigh, bha ceathrar dhaoine a' feuchainn ri an caraid fhaighinn faisg air Iosa ach cha b' urrainn dhaibh. Dè a ghabhadh dèanamh?





Thog an ceathrar charaidean  
dileas an duine tinn an-àirde  
air mullach an taighe, thug  
iad am mullach às a chèile  
agus leig iad an duine tinn  
sìos gu làr. Bha  
e nis faisg air  
Iosa.

Chunnaic Ìosa gu robh  
creideamh làidir aig a'  
cheathrar charaidean.  
Thuirt E ris an duine  
tinn, "Tha do  
pheacaidhean air  
am maitheadh  
dhut. Èirich agus  
tog do leabaidh."  
Sheas an duine,  
a bha a-nis làidir,  
fallain. Bha Ìosa  
air a shlànachadh.





Goirid às dèidh seo, bha  
Ìosa ann am bàta còmhla ri  
A dheisciobail. Dh'èirich  
stoirm eagallach. Bha Ìosa  
na chadal. Bha eagal  
mòr air na deisciobail  
agus dhùisg iad E. "A  
Thighearna, sàbhail  
sinn. Tha sinn a'  
bàsachadh!"



"Bi ciùin," thuirt Ìosa ris na tuinn. Anns a' bhad, bha a' mhuir ciùin. "Dè seòrsa duine a tha seo?" dh'fhaighnich A dheisciobail. Tha fiù a' ghaoth agus a' mhuir a' dèanamh na tha e ag iarraidh.


Bha iad a' creidsinn gur e

Ìosa mac Dhè oir bha

A mhiorbhailean a'  
sealltainn A ghlòir.

Cha robh fhios aig na  
deisciobail aig an àm,

ach an ceann sreach  
chitheadh iad mìorbhailean  
fiù nas mothà na sin agus  
E ag obair ann an seirbheis  
Dhè am measg dhaoine.



# Mìorbhailean Ìosa

Tha an sgeulachd seo à Facal Dhè,  
Am Bioball, ri

Mata 8-9, Marcus 1-2, Marcus 4,  
Lùcas 4, Lùcas 8, Eòin 2

Tha an leabhran seo mar ghibt bho:  
“Bheir fosgladh do bhriathar solas.”  
Salm 119:130





A' Chrìoch



Tha sgeul a' Bhiobaill ag innse dhuinn mu ar Dia mhìorbhaileach a chruthaich sinn agus a tha ag iarraidh gum bi thu eòlach Air.

Tha fios aig Dia gu bheil sinn air rudan dona a dhèanamh, rudan ris an can Easan peacadh. Is e bàs am peanas airson peacadh, ach tha gaol cho mòr aig Dia ort gun do chuir e an t-aon Mhac a bh' aige,

Ìosa, a bhàsachadh air Crois, agus a dh'fhlang airson nam peacaidhean agadsa. An uair sin thàinig Ìosa beò a-rithist agus chaidh E dhachaigh a Nèamh! Ma bhios tu a' creidsinn ann an Ìosa agus ag iarraidh Air do pheacaidhean a mhathadh, nì E sin! Thig E a thàmh annad an-dràsta, agus bidh tu beò còmhla Ris gu bràth.

Ma tha thu a' creidsinn gur e seo an fhìrinn, can seo ri Dia:  
Ìosa chaoimh, tha mi a' creidsinn gur Tusa Dia agus gun tàinig thu don talamh a bhàsachadh air mo sgàth, agus gu bheil Thu beò a-rithist. Thig nam bheatha agus maith dhomh mo pheacaidhean gus am faigh mi beatha ùr an-dràsta, agus aon latha gun tèid mi a dh'fhuireach còmhla Riutsa gu sìorraidh. Cuidich mi a bhith gad leantainn agus a bhith beò air Do sgàth mar Do leanabh. Amen.

Leugh am Bioball agus bruidhinn ri Dia a h-uile latha! Eòin 3:16

